

豫章叢書

第一二〇冊

豫

章

策

書

第二〇卷

義  
豐  
集

欽定四庫全書總目卷一百五十九

集部

別集類

義豐集一卷

編修勵守謙家藏本

宋王阮撰阮字南卿德安人王韶之曾孫隆興元年進士仕至撫州守召入奏韓侂冑欲見之卒不往怒使奉祠歸廬山以終阮少謁朱子於考亭朱子知南康時阮又從遊故集中有唱酬之作阮之歸也朱子惜之謂其才氣術略過人而流落不偶集首有潛祐癸卯吳愈序謂其文無一字無來處論邊事則晁賈其倫爲記銘則韓柳其亞今其文集未見所存僅詩一卷蓋傳

錄者以全集之序弁詩之首也劉克莊嘗跋其詩謂高處逼陵陽茶山陵陽者韓駒茶山者曾幾也岳珂程史稱阮學于張紫微載其萬杉寺唱和絕句及重過萬杉寺絕句紫微者張孝祥也曾詩祖述黃庭堅張詩則摹擬蘇軾韓詩則出入於蘇黃今觀阮詩於兩派之間各得一體克莊及珂所述固皆爲近實矣珂又記阮所作詩號義豐集刻於江泮校官馮椅爲之序是阮詩本有單行之本不知何以佚去椅序易以愈序也

觀士大夫言行當于其大節不顧以文藝也劉禹錫  
柳宗元述作雄深法度嚴密發纖穠於簡古寄至味  
於淡泊非餘子所及然坐王叔文黨君子惜之士大  
夫欲爲君子者苟人不已知世不吾以則有致命遂  
志而已窮居不損焉乃若俛仰隨時僥倖得志雖有  
才美不足觀也已慶元初孽臣竊柄士大夫倚爲泰  
山其門如市吾邑王公先生以著蔡之明冰霜之操  
未嘗一躡其門晚守臨川陞辭奏事柄臣使密客誘  
致之迄弗往見奉祠而歸優游山間無一毫隕穫意  
此曾子所謂弘毅之士歟先生所爲文無一字無來

處蓋其多識前言往行以蓄其德而又深於憂患才  
老而氣定故流於旣溢之餘嶄然出人意表自其省  
闡三策辭嚴而義偉已不肯爲舉子之文矣厥後論  
邊事則鼂賈其倫也爲記銘則韓柳其亞也其詩如  
題浯溪碑蘭亭記金山廟之類折衷古人之得失發  
越詞人之所未言至於感物興懷酬唱嘲詠筆力雄  
放皆有深意杜少陵其比也顧其平生大志欲裨國  
論扶王室掃清中原以光祖閔則有在彼而不在此  
者一不獲伸賚志沒地而以文藝稱于世抑其土苴  
云耳愈少之時嘗操几杖從先生游今老矣高山景

行之思猶日往月來于懷也其子旦爲邑惠之博羅  
輯其文鏤梓以歸屬愈識其卷首貌焉晚進何敢措一  
辭獨念前輩典刑之老中原文獻之裔去世逾遠一  
時出處大節後生鮮有聞者孟子曰誦其詩讀其書  
不知其人可乎故爲述其槩云涓祐癸卯夏六月甲  
子里人吳愈叙



義豐集卷第一

宋王阮南卿

詩

古意

西風策策翻葉鳴錦機停梭人暗驚歸心欲附潮頭  
去潮頭不肯到湓城  
洞庭九月湖水乾倒影夜瞰星斗攢水官箭浪蹴寒  
玉船過雨耳聲珊珊

明妃曲

胡塵漠漠風捲沙明妃馬上彈琵琶琵琶一曲思歸

譜明妃淚盡胡兒舞胡兒不道思歸苦更問漢宮餘  
幾許占來和我人似鐵漢家和我人似雪午窗一抹  
春山橫萬里關河不須設燕支寒帳秋復春翠被不  
禁愁殺人人生不可無黃金無黃金兮死沉淪明妃  
也莫怨青塚死有佳名生有用君不見秦樓當日卷  
衣女一一空隨宿草腐

續湖陰

王敦稱兵內向明帝微行湖陰故樂府有湖  
陰曲然亡其詞也余泊舟堂下誦溫庭筠補  
亡惜意未盡因爲續焉

上林鳴蛙私邪官金陵指顧成長安唾壺一曲玉如意聲斷石城鋒鏑寒從來龍化中興主不似黃鬚阿奴武當時斬鞅心下事今日揚鞭目中虜黃埃散漫重瞳微雨師不灑疑人知夢回日轉驚已午馬驕風疾那容追一聲吉語禁門靜萬國笙歌仙仗整山傾海動忽燃臍地闢天開誰問鼎長江十里真險哉煌煌晉業流秦淮江濤一洗妖氛息湖陰千古琉璃碧

代胡倉進聖德惠民詩

并序

臣竊惟先王盛時大夫從事於外必有聲詩道其不遑寧處之情而極夫節物之變耳目

所接託興喻物一於心聲發之非以自矜其  
功也以爲君臣之際天下真情所在序其情  
而閔其勞君子之道云爾恭維陛下康濟懷  
保如周文王臣於此時得從大夫之後備使  
一方敢不激勵奮發以求不負陛下臨遣之  
意用集所見與其所聞因其方言間以俚語  
稍加櫟括比爲近體詩一百韻走驛詣通進  
司投進冀塵乙覽文詞鄙陋不足發揮至德  
之光臣則有罪若夫字字必寔言言不誣舉  
可覆視當堯章煥乎之日犯狂簡斐然之戒

仄身覆燾寔無所容冒犯天威臣無任俯伏  
埃命之至

平楚皆膏壤成湯忽早年人知聖慮切恩遣使臣宣

乙卯飢荒後長沙富庶全紀年四十載斗米二三錢

潭州自紹興五年一縣縣人烟密村村景物妍朱蹄

驕柳陌金饒麗花鈿長沙自唐號小長安習此名成

懶加之吏不虔力耕終苟且勸課或遷延綠野田多

曠潢池惡未俊曷嘗修稼政但見飾賓筵豐稔時難

保盈虛理有還自應成赤地安得咎蒼天義廩眞良

法常皇家以備先責倉何止萬存數僅餘千

潭州每歲正苗

三十八萬石每石收義倉一斗自乙卯至辛卯當有百萬石臣到任點檢僅存四萬石

濫以疎

庸迹來司歛散權一身初抵此四顧但茫然奏發常

平弊財蒙內帑捐敢云呈敏手幸免奮空拳蔑問秦

輸閉專稽稷懋遷陸同流馬運水作汎舟連凡屬災

傷事深將利害研兼并勤告諭商旅漸喧闐市直雖

翔躡官收却痛蠲北來因鼎粟南至出渠船

分路招糴廣米

自靈渠出稍稍收成廩紛紛出著鞭起於衡嶽趾環厥洞

庭舫湖北疆參錯江西境接聯里雖千萬遠身亦再

三巡必務經行徧深防賑給徧規模頒郡吏出納謹

鄉賢敢避風兼雨周爰陌與阡有時沉水底鎮日上

山顛不復通舟楫寧容坐馬羈屐多穿石仄裳慣濕

河壩江步時時到村墟日日穿

楚語以江岸爲步村市爲墟

救頭

方甚急援手巨辭脍疇昔雖多病馳驅却自痊已成

迷曉夜不復憚山川松逕行時蓋楊花坐處擅光華

雖備使蕭散類登仙林密花頻剪途窮木可緣石敢

行恐壓溪漲涉疑漩昔出正初吉今經六下弦

以正月出

巡七月還司

奔忙馳似箭來往轉如圓王事歌苞杞歸心

却杜鵑力雖疲險阻志務報陶甄憶昨初行日蕭然

亦可憐餓羸皆偃仆疾疫更牽纏詎止家徒壁多遺

屋數椽葛根殫舊食竹米繼新餽

去冬人食葛根略今春又食竹米

救朝昏急終非肺腑便聲音中改變形質外羸羸氣  
藹胃排骨神昏眼露圈步欹身欲仆頭禿髮俱卷婦  
餒心成疾兒啼口墜涎亂花生目睫炎火亢喉咽裊  
鼻渾無力昏昏只欲眠盡攣持來手頓削負薪肩狀  
貌已成鬼號呼幾亂蟬獸窮思曠野魚困想清泉山  
僻無人到帷驚有使寒初聞爭欲走稍定使來前爾  
俗飢雖困吾君施體乾知民方疾苦遣吏撫述遭置  
院收鰥寡分場賑市廩貸糧招復業散種使耕田臣  
乞以米五萬石依條給貸四等以寒給衾綈臣煖臣  
下戶又以穀三萬石分諸縣借給臣給被臣襖臣  
春頒藥劑煎凡今嚴吏責皆是恤民編稍見兒童集